

## Ályktun um aðildarviðræður að Evrópusambandinu

Starfsgreinasamband Íslands fagnar umsókn Íslands að Evrópusambandinu.

Taka verður tillit til sérstakra hagsmuna landsins varðandi sjávarútveg og fiskvinnslu í aðildarviðræðunum og hafa í huga landfræðilega stöðu og sérstakt veðurfar í viðræðum um landbúnaðarmál. Gæta skal þess að landbúnaður er veigamikill þáttur innlendrar matvælavinnslu og mikilvægur fyrir jafnægi í byggð landsins og sem hluti menningartengdrar ferðaþjónustu.

Þing Starfsgreinasambandsins teystir því að aðildarviðræðurnar leiði til samkomulags sem feli í sér gegnsæja skýra kosti og/eða galla aðildar Íslands að Evrópusambandinu, sem þjóðin geti tekið afstöðu til í þjóðaratkvæðagreiðslu.